

IT-mut aningaasartuunik ingerlatsinermik kukkunersiuineq

Aalajangiiffigisassaq

J.nr.: A00-1395-18

Suliffeqarfimmik kiffartuussineq – kommunaldirektøri Lars Møller-Sørensen LMS

Suliassamik eqikkaaneq

Deloitte, Kommuneqarfik Sermersuumik kukkunersiuisarnermik isumaqatigiissutaasup ilaatut ingerlatsineq pillugu kukkunersiuinermik pineqartumi ingerlatsivoq, politikikkut aalajangiussat sipaarniartumik, angusaqarusussuseqartumik pitsaasumillu ingerlanneqarnerat misissuiffigalugu.

Taamaattumik ingerlatsinermik kukkunersiuinermi suliamik ingerlatsinermut pitsanngorsaatisaasinnaasut qulaajarneqartarput.

Aningaasaqarnermut Inuussutissarsionermullu Ataatsimiititap 19. septembari 2018-imi ataatsimiinnermini inassuteqaatit akuersissutigai imalu oqaasertalerlugit, Kommuneqarfik Sermersuumut atuuttussamik qarasaasiaqarneq pillugu politikikiliortoqassasoq, taannalu novembarip qaammataani naammassineqassasoq naatsorsuutigineqarpoq, susasaqarfinni arlalinni atuineq missingersuutillu ersarissarneqassapput, qarasaasiaqarnermut suliniutit tamarmik sanaartornermut missingersuutinut ilanngunneqassapput, kiisalu immikkut 15 mio. koruuninik aningaasaliisoqassasoq akuersissutigineqarput suliarlu inaarutaasumik akuersissutigineqarnissaanut Kommunalbestyrelsimut ingerlateqqillugu.

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- ingerlatsinermik kukkunersiuineq inaarutaasumik akuersissutigineqassasoq
- Kommuneqarfik Sermersooq pillugu qarasaasiaqarnermut politikikiliortoqassasoq, naatsorsuutigineqarpoq novembarip qaammataani naammassineqarsinnaasoq
- tulliuttutut taaneqartut pillugit atuineq missingersuutinilu kontut ersarissarneqassasut:
 - o Ingerlatsineq
 - Nuutsitsineq pappialanillu anillatsitsisarneq
 - Ingerlatsineq, allat
 - o Siunnersorneqarneq
 - o Akuersissutit
 - o Suliniutit
- Qarasaasiaqarnermut suliniutit nutaat sanaartornermut missingersuutinut ilanngunneqassasut
- 2018-imi 15 mio. koruunit immikkut aningaasaliissutigineqarnissaat akuersissutigineqassasoq.

Suliassamik saqqummiussineq

Deloitte, Kommuneqarfik Sermersuumik kukkunersiuisarnermik isumaqatigiissutaasup ilaatut ingerlatsineq pillugu kukkunersiuinermik pineqartumi ingerlatsivoq, politikikkut aalajangiussat sipaarniartumik, angusaqarusussuseqartumik pitsaasumillu ingerlanneqarnerat misissuiffigalugu.

Taamaattumik ingerlatsinermik kukkunersiuinermi suliamik ingerlatsinermut pitsanngorsaatisaasinnaasut qulaajarneqartarput.

IT-mik suliassaqarfimmi ukiuni qaangiuttuni missingersuutit eqqutinneqartarsimangillat, missingersuutit malinnaatinneqarnerannit 20-80 %-imik qaffasinnerusumik atuinerusoqarpoq. 2014-imit 2017-imit suliassaqarfimmi missingersuutinit malunnaatilimmik atuinerusimanermi, missingersuutit malunnaatilimmik naleqqussarneqarnissaat imaluunniit iliuuserineqartartunut malunnaatilimmik naleqqussarsimanissaq amigaataapput.

Konto 13-imi IT-mut aningaasartuutit, 2014-imi 25 mio.kr.-init missaannit 2017-imi 51 mio.kr.-it missaannut qaffariarput. Taakkua amerlanngitsut ilaat – 3,5 mio.kr.-it miss., nassuiarneqarsinnaapput atuarfimmi-it atuarfeqarnermik suliassaqarfimmit (konto 51) IT-mut suliassaqarfimmut (konto 13) nuunneqarneranit.

Kommunimi IT-mik atuinermi pissutsini arlalinni piffissami pineqartumi piginnaassuseq aamma sularineqartut qaffariaateqarput, kisianni taakkunani kommunip tamanna uppersarsinnaangilaa aamma/imaluunniit taakkua aningaasatigut kingunerisai naatsorsuusiorsinnaanagit.

Aaqqiissutissatut siunnersuut – suliatigut naliliineq

Suliakkiissutissatut siunnersuutit Deloittiminngaanneersut:

1. Innersuussutigineqarpoq koperinernut-aamma naqiterinernut pisinniartarfimmut isumaqatigiissut misissorneqassasoq, isumaqatigiinniaqqjissinnaaneq imaluunniit erniinnaq neqerooruteqartitsineq aqputigalugu unammillernermik ingerlatsisoqaaqqullugu.
2. Suliassaqarfimmi ataqatigiissaarineq nukittorsarlugu, taamaaliornikkut ass. PC-it sulinermi atukkat nutaatut pisiarineqartut pilersaarusiortuni aamma amerlanikkuutaarlugit atulersinneqartarsinnaaqqullugit – ataasiakkaarnagit. Taamaaliornikkut periarfissiisoqassaaq kommunip pisiniartarfinnik pitsaanerusunik isumaqatigiissusiorsinnaanera aamma suliassaqarfimmut aningaasartuutit pitsaanerusumik pilersaarusiorneqarsinnaanerat.
3. Kommunimi immikkoortortani missingersuutini IT-mut suliassaqarfimmi atukkanut aningaasartuutit ilaat ilanngunneqartarnissaat. Ullumikkut IT-mik suliassaqarfimmit aningaasartuutit tamarmik tiggummineqarput, kisianni immikkoortortanut tunngatillugu pissutsinik aqutsisinnaangillat imaluunniit ass. koperisarnermik aamma naqiterisarnermik atuinermut killilersuiniarnermik ingerlatsisinaanani.
4. Pisiniartarfinnik sinaakutissatut isumaqatigiissutinik suliqaarnissaq, taamaaliornikkut atukkanut aningaasartuutit immikkoortortanut toqqaannartumik akiligassanngortinneqarlutik imaluunniit suliffeqarfiup iluani IT-mik suliassaqarfimmit akiligassiissutigineqartarpata. IT-mut aningaasartuutit katersuutsinneqarneranni tamakkiisumik isiginnittaaseqarsinnaaneq iluaqutissartaqarpoq. Qitiusumik ingerlatsivimmit kommuni isumaqatigiissutinik aqutsisinnaavoq aamma immikkoortortani atukkanut akiligassiisalernikkut qulakkeerneqassaaq, immikkoortortani isumatusaartumik atueriaaseqalersinnaanermut pissutissaqarneq.
5. Pilersaarusiortulugu suleriaatsinik pitsanngorsaanerup ilutigisaanik missingersuutit millisinneqarsinnaanissaat misissorneqassasoq, annermik digitaliseriinerup ataatsimut kinguneriniassammagu ingerlatsinermut aningaasartuutit appartikkiartuaarnissaat.
6. Kommunip missingersuutinik inissitsiterinermi aamma aningaasaqarnermik malittarinninnera erseqqissarneqassasoq, suut isumaqatigiissutinut atuuttunut atorneqarnerisut (ingerlatsineq, ikiorsiineq, akuersissutit), aamma assigiinngisitaartunut (ass. qalipaatinut, iserfigisanut akitsuutit, telemut aamma paasissutissanut atukkat) atukkat qanoq amerlatiginersut.
7. Tunumut tunngatillugu paasissutissat siuarsimatinniarlugit suli najukkani serverit unnuanerani nutarterneqarnerannik ingerlatsisoqartaqqullugu. Taamaaliornikkut sulisut innuttaasunik

8. pitsaanerusumik sullissisinnaaneranannut piffissamik atuisinnaaqullugit.

Aningaasatigut sulisoqarnikkullu naliliinerit

Taamaattumik Deloitte naliliivoq, 2016-imut aamma 2017-imut missingersuutit piviusorsiuungitsumik appasippallaamik missingersuusiarineqarsimasut.

2018-imut aamma ukiunut missingersuusiorfiusunut missingersuutit 38 mio. kr.-it missaanniipput. Deloitte naliliivoq, 2018-imi 15 mio. kr.-inik amerlassusilimmik ilassutitut aningaasaliissutinik pisariaqartitsisoqassasoq 2017-imi atukkanik ikilisaanissamut tunngatillugu suliniutinik malunnaatilinnik ingerlatsisoqanngippat.

Inatsisitigut tunngavissaq allakkallu tunngaviusumik uppernarsaatitallit

Kommunit aqunneqarnerannut inatsik.

Ingerlariaqqinnissaq

Siunnersuutigineqartut ingerlateqqinneqassasut

Aningaasaqarnermut Allatseqarfimmit oqaaseqaatit

Soqanngilaq

Siuserusukkut aalajagiineq

Kommunalbestyrelsip aalajagiinera juunip 13.-iani 2017:

Taaneqartut avataatigut immikkut IT-mi kukknersiuisoqarnissaa kissaatigineqarpoq.

Aningaasaqarnermut Inuussutissarsiornermullu Ataatsimiititap aalajangernera 19. septembari 2018-imeersoq:

Aningaasaqarnermut Inuussutissarsiornermullu Ataatsimiititap 19. septembari 2018-imi ataatsimiinnermini inassuteqaatit akuersissutigai imalu oqaasertalerlugit, Kommuneqarfik Sermersuumut atuuttussamik qarasaasiaqarneq pillugu politikikiliortoqassasoq, taannalu novembarip qaammataani naammassineqassasoq naatsorsuutigineqarpoq, susassaqarfinni arlalinni atuneq missingersuutillu ersarissarneqassapput, qarasaasiaqarnermut suliniutit tamarmik sanaartornermut missingersuutinut ilanngunneqassapput, kiisalu immikkut 15 mio. koruuninik aningaasaliisoqassasoq akuersissutigineqarput suliarlu inaarutaasumik akuersissutigineqarnissaanut Kommunalbestyrelsimut ingerlateqqillugu.

Innuttaasunik peqataatitsineq/attaveqaaqatigiinneq

Soqanngilaq

Ingerlatsivinniit allaniit oqaaseqaatigineqartut

Oqaaseqaammik aallertoqanngilaq

Ilanngussaq/Ilanngussat

1. Kukknersiuneq